

古文辭類纂評註

第十五冊

辭賦類八

古文辭類纂評註卷六十八

桐城姚鼐纂集

班孟堅兩都賦

并序

兩都者洛陽爲東都長安爲西都漢自光武帝東都洛陽至和帝時京師修起宮室濬繕城隍而關中耆老猶望朝廷西顧固感前世相如壽王東方之徒造

構文辭終以諷勸乃上兩都賦盛稱洛邑制度之美以折西賓淫侈之論

薑塢先生云凡所舉典於建國之規皆得其要瞻而不穢詳而有體卽班氏之史材也

一語單提

述文事廢興由頌聲以遞當朝雖統舉文章意實專主賦頌就武宣時徵實推本盛朝瑞應以及作者代興

或曰賦者古詩之流也昔成康沒而頌聲寢王澤竭而詩不作大漢初定日不暇給至於武宣之世乃崇禮官考文章內設金馬石渠之署外興樂府協律之事以興廢繼絕潤色鴻業是以衆庶說豫福應尤盛白麟赤雁芝房寶鼎之歌薦於郊廟神雀五鳳甘露黃龍之瑞以爲年紀故言語侍從之臣若司馬相如虞邱壽王東方朔枚皋王褒劉向之屬朝夕論思日月獻納而公卿大臣御史大夫倪寬太常孔臧大中大夫董仲舒按漢武帝前本有中大夫此是在省中官也中大夫必中大夫之巨者故稱大也中大夫武帝後改爲光祿大夫其秩比二千石則董生爲大中大夫時其秩或中二千石或比二千石也其後大中大夫蓋不復內侍但屬光祿勳其秩僅千石反小於光祿大夫矣此必宣昭以後之制百官表未詳言其升降但云秩千石則非公卿大臣而賈生自大中大夫爲長沙傅亦何爲降黜乎此實非舊制據孟堅此序足知表之漏闕矣又仲舒傳但云爲中大夫不云爲大中大夫亦是漏也

宗正劉

一東正拍
醒詩賦同
上層就詞
賦束此專
頌當朝束
此處蒙前
證後援古
證今神注
自己
入題領句
得體
數句挈盡
兩賦大旨

德太子太傅蕭望之等。時時間作。或以抒下情而通諷諭。或以宣上德而盡忠孝。雍容揄揚。著於後嗣。抑亦雅頌之亞也。故孝成之世。論而錄之。蓋奏御者千有餘篇。而後大漢之文章。炳焉與三代同風。且夫道有夷隆。學有麤密。因時而建德者。不以遠近易則。故皋陶歌虞。奚斯頌魯。同見采於孔氏。列於詩書。其義一也。稽之土古。則如彼。考之漢室。又如此。斯事雖細。然先臣之舊式。國家之遺美。不可缺也。臣竊見海內清平。朝廷無事。京師修宮室。浚城隍。而起苑囿。以備制度。西土耆老。咸懷怨思。冀上之睠顧。而盛稱長安舊制。有陋洛邑之議。故臣作兩都賦。以極衆人之所眩曜。折以今之法度。辭曰。

註釋

賦者古詩之流

詩有六義二曰賦

武宣

武帝名徹宣帝名詢

金馬

官署門傍有銅馬故謂之金馬門

石渠

閣名藏書之所

樂府

武帝立樂府以李延年爲協律都尉

白麟

武帝獲白麟作白麟歌

赤鴈

獲赤鴈作朱鴈歌

芝房

甘泉宮內產芝之作芝房歌

寶鼎

得寶鼎作寶鼎歌

神雀五鳳甘露黃龍

俱宣帝年號因有神雀鳳凰甘露黃龍之瑞故改元

司馬相如

字長卿

虞邱壽王

虞邱復姓或作吾邱字子

貢

東方朔

字曼倩

枚臯

字少孺

王褒

字子淵

劉向

字子政

御史大夫

官名三公之一

倪寬

字千乘

太常

官名九卿

之孔臧

孔子十二世孫武帝時辭御史大夫乞爲太常

董仲舒

廣川人爲漢醇儒

宗正

九卿之一

劉德

字路叔

蕭望之

字長倩東海蘭陵人

夷隆

夷平也衰也隆高也盛也

皋陶歌虞

尚書皋陶歌曰元首明哉股肱良哉庶事康哉

奚斯頌魯

奚斯魯公子詩魯頌新廟奕奕奚斯所作

陸

城池無水

倒挈東都開文家掃釣法門進同往制著皇道漢京字對射後篇都正入西都正文提關中形勝次及建都陪大漢根入精切勝總上形勝建都兩層作一紐合透到增飾奢侈伏後篇末造末流之線以上總領以下分疏本段專叙都城

曰眩曜也視誤

有西都賓問於東都主人曰蓋聞皇漢之初經營也嘗有意乎都河洛矣輟而弗康實用西遷作我上都主人聞其故而覩其制乎主人曰未也願賓摠懷舊之蓄念發思古之幽情博我以皇道弘我以漢京賓曰唯唯漢之西都在於雍州實曰長安左據函谷二嶠之阻表以終南太華之山右界褒斜隴首之險帶以洪河涇渭之川衆流之隈汧涌其西華實之毛則九州之上腴焉防禦之阻則天地之隩區焉是故橫被六合三成帝畿周以龍興秦以虎視及至大漢受命而都之也仰悟東井之精俯協河圖之靈奉春建策留侯演成天人合應以發皇明乃眷西顧實惟作京於是睎秦嶺瞰北阜挾灃灞據龍首圖皇基於億載度弘規而大起肇自高而終平世增飾以崇麗歷十二之延祚故窮泰而極侈建金城之萬雉呀周池而成淵披三條之廣路立十二之通門內則街衢洞達閭閻且千九市開場貨別隧分人不得顧車不得旋闐城溢郭旁流百塵紅塵四合煙雲相連於是旣庶且富娛樂無疆都人士女殊異乎五方遊士擬於公侯列肆侈於姬姜鄉曲豪舉遊俠之雄節

本段就都
外四郊益
推廣之作
一過文

本段鋪叙
封畿四境
先四語提
掇其陽一
是南其陰
一條是北

東郊一條
東即並關
故透出山
東
西郊一條

前皆泛賦
都畿此後
詳賦宮室
題主也與
營建時事
對針序所
謂極衆人
之眩曜也

慕原嘗名亞春陵連交合衆騁鶩乎其中若乃觀其四郊浮游近縣則南望
杜霸北眺五陵名都對郭邑居相承英俊之域紱冕所興冠蓋如雲七相五
公與乎州郡之豪傑五都之貨殖三選七遷充奉陵邑蓋以彊榦弱枝隆上
都而觀萬國也封畿之內厥土千里卓犖諸夏兼其所有其陽則崇山隱天
幽林穹谷陸海珍藏藍田美玉商洛緣其隈鄠杜濱其足源泉灌注陂池交
屬竹林果園芳草甘木郊野之富號爲近蜀其陰則冠以九峻陪以甘泉乃
有靈宮起乎其中秦漢之所極觀淵雲之所頌歎於是乎存焉下有鄭白之
沃衣食之源堤封五萬疆場綺分溝塍刻鏤原隰龍鱗決渠降雨荷插成雲
五穀垂穎桑麻鋪棻東郊則有通溝大漕潰渭洞河泛舟山東控引淮湖與
海通波西郊則有上囿禁苑林麓藪澤陂池連乎蜀漢繚以周牆四百餘里
離宮別館三十六所神池靈沼往往而在其中乃有九真之麟大宛之馬黃
支之犀條枝之鳥踰崑崙越巨海殊方異類至於三萬里其宮室也體象乎
天地經緯乎陰陽據坤靈之正位放太紫之圓方樹中天之華闕豐冠山之
朱堂因瓌材而究奇抗應龍之虹梁列棼橰以布翼荷棟桴而高驤雕玉嶺

本段總統
臚舉爲宮
室提綱

提綱總束

以下分疏
先陪後正

本節叙宮
掖而抽出
昭陽以修

位號帶筆

次節叙官
寮環衛
政府一總

典籍一分
項

以居楹。裁金璧以飾璫。發五色之渥彩。光燭朗以景彰。於是左城右平。重軒
三階。閨房周通。門闥洞開。列鐘虞於中庭。立金人於端闈。仍增崖而衡闕。臨
峻路而啓扉。徇以離宮別寢。承以崇臺閒館。煥若列宿。紫宮是環。清涼宣溫。
神僊長年。金華玉堂。白虎麒麟。區宇若茲。不可殫論。增盤崔嵬。登降炤爛。殊
形詭制。每各異觀。乘茵步輦。惟所息宴。後宮則有掖庭椒房。后妃之室。合歡
增城。安處常寧。茝若椒風。披香發越。蘭林蕙草。鴛鸞飛翔之列。昭陽特盛。隆
於孝成。屋不呈材。牆不露形。裊以藻繡。絡以綸連。隨侯明月。錯落其間。金釭
銜璧。是爲列錢。翡翠火齊。流耀含英。懸黎垂棘。夜光在焉。於是玄墀鉅砌。玉
階彤庭。硬碱綵緻。琳瑯青瑩。珊瑚碧樹。周阿而生。紅羅颯纒。綺組繽紛。精曜
華燭。俯仰如神。後宮之號。十有四位。窈窕繁華。更盛迭貴。處乎斯列者。蓋以
百數。左右庭中。朝堂百寮之位。蕭曹魏邴。謀謨乎其上。佐命則垂統。輔翼則
成化。流大漢之愷悌。蕩亡秦之毒螫。故令斯人揚樂和之聲。肅按此用王襄令王
褒作中和樂職宣布
詩事善注引孔叢子
功善者其樂和。非也。作畫一之歌。功德著乎祖宗。膏澤洽乎黎庶。又有天祿石渠
典籍之府。命夫惇誨故老。名儒師傅。講論乎六藝。稽合乎同異。又有承明金

武衛官寺
一總項

本段總官
府連殿閣
作一過文
蓋由陪而
趨正也

本段歸到
正殿是主
正殿非專
言一殿也

先寫高勢
次從登臨
周覽處舉
繪忽抗忽
堅忽隱忽
顯筆如游
龍寫到池
島景物作
仙景地觀

馬著作之庭。大雅宏達。於茲爲羣。元元本本。殫見洽聞。啓發篇章。校理祕文。
周以鉤陳之位。衛以嚴更之署。總禮官之甲科。羣百郡之廉孝。鄭按此二句乃賦
郎署儒林傳以博
士弟子甲科爲郎中故云總禮官之甲科也其廉孝一途虎賁贅衣。闔尹闔寺。陛戟百重。各有
則若王吉京房俱以孝廉爲郎是也郎選略盡於此二句
典司。周廬千列。微道綺錯。輦路經營。修除飛閣。自未央而連桂宮。北彌明光
而亘長樂。凌塏道而超西墉。搢建章而連外屬。設璧門之鳳闕。上觚稜而棲
金爵。內則別風嶢嶢。眇麗巧而聳擢。張千門而立萬戶。順陰陽以開闔。爾乃
正殿崔嵬層構。厥高臨乎未央。經駘盪而出駟娑。洞枌詣以與天梁。上反宇
以蓋戴。激日景而納光。神明鬱其特起。遂偃蹇而上躋。軼雲雨於太半。虹霓
廻帶於焚楣。雖輕迅與漂狡。猶愕眙而不能階。攀井幹而未半。目眩轉而意
迷。捨櫺檻而卻倚。若顛墜而復稽。魂怳怳以失度。巡迴塗而下低。旣懲懼於
登望。降周流以傍徨。步甬道以縈紆。又杳窅而不見陽。排飛闥而上出。若游
目於天表。似無依而洋洋。前唐中而後太液。覽滄海之湯湯。揚波濤於碣石。
激神岳之嵒嵒。濫瀛洲與方壺。蓬萊起乎中央。於是靈草冬榮。神木叢生。巖
峻嶙嶭。金石崢嶸。抗仙掌以承露。擢雙立之金莖。軼埃嶮之混濁。鮮顥氣之

暗取孝武
求仙詭誕
作宮室大
收局極眩
曜之情狀
矣
此從宮室
遞到政遊
先排獵場
次寫出獵

極獵事之
巧捷作一
層

追逐竄匿
作一層

逗宮館
此叙收獵
行炙

清英。騁文成之不誕。馳五利之所刑。庶松喬之羣類。時游從乎斯庭。實列僊
之攸館。非吾人之所寧。爾乃盛娛游之壯觀。奮大武乎上囿。因茲以威戎夸
狄。耀威靈而講武事。命荊州使起鳥。詔梁野而驅獸。毛羣內闐。飛羽上覆。接
翼側足。集禁林而屯聚。水衡虞人。修其營表。種別羣分。部曲有署。罟網連紘。
籠山絡野。列卒周而星羅。雲布於是。乘鸞輿。備法駕。帥羣臣。披飛廉。入苑門。
遂繞鄠郛。歷上蘭。六師發逐。百獸駭殫。震震爚爚。雷奔電激。草木塗地。山淵
反覆。蹂躪其十二三。乃拗怒而少息。爾乃期門飲飛。列刃鑽鏃。要趺追縱。鳥
驚觸絲。獸駭值鋒。機不虛掎。弦不再控。矢不單殺。中必疊雙。颼颼紛紛。矰繳
相經。風毛雨血。灑野蔽天。平原赤。勇士厲。緩狄失木。豺狼懾竄。爾乃移師趨
險。並蹈潛穢。窮虎奔突。狂兇觸蹶。許少施巧。秦成力折。持標狡。扼猛噬。脫角
挫脰。徒搏獨殺。挾師豹。挖熊螭。曳犀犛。頓象羆。超洞壑。越峻崖。蹶嶄巖。巨石
頽。松柏仆。叢林摧。草木無餘。禽獸殄夷。於是天子乃登屬玉之館。歷長楊之
榭。覽山川之體勢。觀三軍之殺獲。原野蕭條。目極四裔。禽相鎮壓。獸相枕藉。
然後收禽會衆。論功賜胙。陳輕騎以行魚。騰酒車以斟酌。割鮮野食。舉燧命

在陝西隴
縣西北
涇渭並見司馬長卿上林賦
隈水曲也
汧見揚子雲
華實之毛謂草木也
九州上腴漢書秦地九州膏腴
隩方

之士可定
三成帝畿謂周秦漢也方千里曰王畿
東井五星聚於東井為高祖受命之符
河圖識記之文春秋漢合華曰劉季握卯金刀在軫北字季天下服

卯在東方陽所立仁且明金在西方陰所立義成功刀居右字
奉春奉春君嬰敬也敬說高祖建都長安
留侯即張良高祖以

良以爲然
演引也
天人合應天謂五星人謂婁敬等
皇明謂高祖
睎音希望也
秦嶺在今陝西藍田縣東南
賊音蛾視也
北阜

在陝西三
原縣北
灃灃並見司馬長卿上林賦灃亦作酈
龍首山名在長安縣
肇自高而終平肇始也自高帝至孝平凡十二帝
十二謂高惠文景武

昭宣元成哀平
及昌邑王賀也
金城言堅固也
雉方丈爲堵三堵爲雉
岼音呀大空貌
三條廣路周禮國方九里旁三門每門爲大路故曰三條
十二

通門王城十二門也
閭里中門
九市長安九市其六在道西三在道東
隧列肆道也
闔與填同
廛市物邸舍也
既庶且

富論語子適衛冉有僕子曰庶矣哉
疆境也
五方謂四方及中央也漢書秦地五方雜錯
肆市中陳物處
姬姜大國之女
原

嘗平原君趙勝孟嘗君田文
春陵春申君黃歇信陵君魏無忌
浮游謂周流也
杜霸杜陵霸陵在城南
五陵長陵安陵陽陵茂陵平陵在渭北
紱

冕紱綬也冕冠也
七相田千秋黃霸王商韋賢平當魏相王嘉並五陵人
五公田蚡張安世朱博平晏韋賢並五陵人
五都洛陽邯鄲臨淄宛成都
三選

選三等之人漢書徙吏二千石及高
貴富人及豪傑并兼之家於諸陵
七遷選三等之人遷於諸陵所以疆幹弱枝至元帝時始不遷自元帝以上凡七帝故曰七遷
觀指示也
畿天子

所都之
卓犖音洛超絕也
諸夏謂中國也
穹谷深谷也
陸海東方朔曰漢興去三河之地止灊澨之西都涇渭之南此謂天下陸海之地也
藍

田藍田縣有藍田谷產美玉
商漢縣今陝西商洛今商縣地
隈山曲也
鄠均漢縣鄠今陝西鄠縣杜今陝西麟遊縣
陂澤障也
近蜀漢書

巴蜀土肥美有山林竹樹蔬食果實之饒
今秦地亦有之與蜀相類故曰近蜀
九嶷見司馬長卿上林賦
甘泉見揚子雲甘泉賦
秦漢之所極觀秦置林光

舍也漢官儀婕妤椒房長樂宮中殿名合歡未央宮殿名增城漢書班婕妤居增城舍椒風董賢女弟為昭儀居舍號曰椒風披香

鴛鴦飛翔並殿名昭陽殿名成帝趙昭儀所居孝成名哀音邑綸音絲隨侯明月明月珠名春秋時隨侯所得者也

金缸銜璧缸音江轂鐵也謂以黃金為其中銜璧納之於璧帶列錢言金缸銜璧行列似錢也翡翠鳥名雄赤曰翡雌青曰翠其羽可以飾幃帳火齊

寶珠也懸黎垂棘並玉名國策梁有懸黎左傳晉荀息請以垂棘之璧假道于虞夜光在焉言夜有光輝也玄墀玄黑色墀殿上地言以漆髹之而色黑

也卸砌砌階甃也卸砌謂以玉飾砌也硬碱琳瑯並石次玉者硬音硬碱音威瑯音民與琅同綵緻文理密也珊瑚產熱帶海中形如樹枝碧

樹碧青石也淮南子崑崙山有碧樹在其北阿平聲颯音塞史綺文綺也組綬也續紛見屈原離騷精曜華燭燭通作燭照也

言精彩華飾照耀也十有四位漢制帝正嫡稱皇后妾皆稱夫人凡十四等有昭儀婕妤嬪娥容華美人八子充依七子良人長使少使五官順常是為十三等秩祿有差又有無涓其

和娛靈保林良使夜者其秩蕭曹魏邴蕭何曹參魏相丙吉愷悌愷樂也悌易也樂和之聲孔叢子古之帝王功成作樂其

功善者其樂和畫一之歌曹參繼蕭何為相百姓歌曰蕭何為相較若畫一曹參繼之守而勿失天祿石渠皆閣名在未央宮蕭何所建為漢室藏書之所惇勉也

承明承明廬在石渠門外大雅謂有大雅之才者詩有大雅故以稱之祕文祕書也周環也鈞陳紫宮外星也宮衛之位亦象之嚴更督行夜鼓也

禮官奉常也漢制奉常掌禮儀虎賁宿衛之臣贅衣主衣之官閹尹閹寺並官陛戟陛天子階也陛戟執戟於陛也周廬謂宿衛之

廬周於徹道徹巡之道綺錯交錯也輦路閣道也除治也後漢書作涂未央宮名在西桂宮宮名在北彌終也明光宮名

在互竟也長樂宮名在東墜同墜墉城也混同建章宮名漢書建章宮其東則鳳闕高二十餘丈其南有璧門之屬觚稜音孤陵殿堂上最高

處金爵爵通作雀建章宮闕上有銅鳳凰即金爵也別風闕名一名折風在建章宮東嵯嶢見揚子雲解難順陰陽以開闔建章宮度為千

門萬戶，闔謂之。陰，開謂之陽。駘盪駘姿粉詣駘音殆駘音颯粉音意建天梁宮名蓋戴覆也激日景而

納光言宮殿光輝外激於日也神明孝武立神明臺偃蹇見屈原離騷躋升也軼過也婪棟也楣門戶上橫梁也僂狡

輕疾貌。愕眙驚視貌井幹樓名武帝所作眩音胸視不明也櫺檻櫺音零樓上欄檻也稽留也怳怳與恍通失意貌懲恐也甬道飛閣道

也。杳窅深遠貌陽明見屈原哀郢唐中唐庭也漢書建章宮其西唐中數十里其北太液池中有蓬萊方丈瀛州壺梁象海中神山湯湯見

武帝瓠見買讓治河奏此亦池畔碣石見買讓治河奏此亦池畔蔣蔣音槍水聲濫泛也瀛州方壺蓬萊並海中名靈草神

木謂不死藥也嶠嶭音會嶭山長而高貌崢嶸見屈原遠遊仙掌承露武帝起柏梁臺作承露盤高二丈以銅爲之上有仙人掌以承露金莖銅柱也

璫音埃塵合也顥白貌文成武帝拜方士李少翁爲文成將軍丕誕丕大也誕欺也五利武帝又拜方士樂大爲五利將軍刑也松喬赤松子王

子喬俱古仙人大武謂大陳武事也荊州今湖北江陵縣其俗習於捕鳥梁野今陝西南境及四川地其俗習於逐獸聚音儼水衡官名上林苑屬水衡都尉

虞人掌山澤之官部曲將軍領軍皆有部大將軍營五部部校尉一人部下有曲曲有軍候一人罟音浮獸罟曰罟紘罟之網也法駕見司馬長卿上林賦飛

廉館名武帝所作豐鎬見司馬長卿上林賦上蘭上林有蘭館震震音震爚爚音躍奔走之貌塗汚也反覆猶傾動也拗音拗猶抑也

期門武帝與北地良家子期於殿門故號期門飲飛武官名掌弋射飲音次鑽聚也鍬音侯金鍬箭羽謂之鍬跌音決奔也機弩牙也倚音几偏引也

鮑鮑音鮑紛紛言多也增繳音增灼增矢也繳以繩繫矢而射也竄音韻潛深也穢謂穢蕪之林兕音祀犀也犛音祢似熊而黃嶄巖見淮南小山招

隱也音豆徒搏獨殺徒空也渭空搏殺之也師陀音佗音也螭音癡猛獸也犛音離牛之黑色者鰐音庖與炮同鮮鳥獸新殺曰鮮燧

士殄也夷殺也屬玉館在長楊宮中長楊宮名在上林中樹臺有屋曰樹胙餘肉也魚音庖與炮同鮮鳥獸新殺曰鮮燧

士殄也夷殺也屬玉館在長楊宮中長楊宮名在上林中樹臺有屋曰樹胙餘肉也魚音庖與炮同鮮鳥獸新殺曰鮮燧

也。火也。釀，叶韻，音餗。飲酒盡也。大輅，天子之車。鑾，金鈴也。豫章，上林苑有豫章觀。在牽牛而右織女，昆明池有二石人牽牛織女象也。

雲漢天河蔚盛貌曄曄美茂之貌猗猗舒也鵠鵠也見鵠似鶴而頂不丹頸皆長鵠全身羽毛灰白翼與尾色黑鵠景

招着大鵠音保斑似足文無後趾鵠音鵠鳥名水鳧見屈原卜居鷺鷺屬也鴻雁大曰鴻小曰雁輶音棧車也祛舉也澹隨風貌

櫂也、謳歌也、震音真、營音營聲也、鵬音閑雉也、揄引也、文竿竿以翠羽爲文飾也、比目魚名。爾雅：東、罍音同。鳥、方

舟並兩薄也采遊童之謹謠堯遊康衢聞兒童謠曰立我蒸民莫匪爾極不識不知順帝之則第從臣之嘉頌宣帝好儒術張

子橋與王褒等並付詔所幸宮觀
輒爲歌頌第其高下以差賜帛

都主人喟然而歎曰。痛乎。風俗之移人也。子實秦人。矜夸館室。保界河山。

識昭襄而知始皇矣。烏覩大漢之云爲乎。夫大漢之開元也。奮布衣以登

位由數期而創萬代蓋六籍所不能談前聖靡得而言焉當此之時功有

而當天討有逆而順民故婁敬度勢而獻其說蕭公權宜而拓其制時豈

而安之哉計不得以已也吾子曾不是睹顧曜後嗣之末造不亦暗乎今

語子以建武之治永平之事監於太清以變子之惑志往者王莽作逆漢

中缺天人致誅六合相滅於時之亂生民幾亡鬼神泯絕壑無完柩郭罔

室原野獸人之肉川谷流人之血秦項之災猶不克半書契以來未之或

轉捩館室
扼界
都界
於秦讓漢
也
先原漢初
看回護之
法
流弊則承
過於未造
處處斟酌
正落東都
創業繼體
遞舉太清
遞本旨
遞入本篇

正文原建
東都之緣
起
提掇

言不徒負
特形要正
注下八方
爲極王者
無外
先承建武
說
三疊頌開
業
建都正頌

繳過建武
止及建都
一層
此後承永
平說尤爲
主中主也

入增修時
事

紀故下人號而上訴。上帝懷而降監。乃致命乎聖皇。於是聖皇乃握乾符。闡
坤珍。披皇圖。稽帝文。赫然發憤。應若興雲。霆擊昆陽。憑怒雷震。遂超大河。跨
北嶽。立號高邑。建都河洛。紹百王之荒屯。因造化之盪滌。體元立制。繼天而
作。系唐統。接漢緒。茂育羣生。恢復疆宇。勳兼乎在昔。事勤乎三五。豈特方軌
並跡。紛綸后辟。治近古之所務。蹈一聖之險易。云爾哉。且夫建武之元。天地
革命。四海之內。更造夫婦。肇有父子。君臣初建。人倫實始。斯乃伏羲氏之所
以基皇德也。分州土。立市朝。作舟輿。造器械。斯乃軒轅氏之所以開帝功也。
翼行天罰。應天順人。斯乃湯武之所以昭王業也。遷都改邑。有殷宗中興之
則焉。卽土之中。有周成隆平之制焉。不階尺土。一人之柄。同符乎高祖。克己
復禮。以奉終始。允恭乎孝文。憲章稽古。封岱勒成。儀炳乎世宗。按六經而校
德。眇古昔而論功。仁聖之事。既該。而帝王之道。備矣。至於永平之際。重熙而
累洽。盛三雍之上儀。修袞龍之法服。鋪鴻藻。信景鑠。揚世廟。正雅樂。神人之
和。允洽。羣臣之序。既肅。乃動大輅。遵皇衢。省方巡狩。窮覽萬國之有無。考聲
教之所被。散皇明以燭幽。然後增周舊。修洛邑。扇巍巍。顯翼翼。光漢京於諸

城邑則八
極爲規宮
闕則古制
爲度正序
所云折也
法度者也
易羽獵爲
講武語皆
有制奪胎
江漢車攻

陳軍容之
利須看寢
威字而接
寫氣象之
盛是開勢

陳獵隊之
整須看三
驅字而接
寫騎技之
敏亦開勢

此下一歸
之德化
映帶宮室
是集休宜
化之地即
就前治神

夏總八方而爲之極。是以皇城之內。宮室光明。闕庭神麗。奢不可踰。儉不能
侈。外則因原野以作苑。填流泉而爲沼。發蘋藻以潛魚。豐圃草以毓獸。制同
乎梁鄒。誼合乎靈囿。若乃順時節而蒐狩。簡車徒以講武。則必臨之以王制。
考之以風雅。歷騶虞。覽駟職。嘉車攻。采吉日。禮官整儀。乘輿乃出。於是發鯨
魚。鏗華鐘。登玉輅。乘時龍。鳳蓋琴麗。和鑾玲瓏。天官景從。寢威盛容。山靈護
野。屬御方神。雨師泛灑。風伯清塵。千乘雷起。萬騎紛紜。元戎竟野。戈鋌彗雲。
羽旄掃霓。旌旗拂天。焱焱炎炎。揚光飛文。吐燭生風。欲野歎山。日月爲之奪
明。邱陵爲之搖震。遂集乎中囿。陳師按屯。駢部曲。列校隊。勒三軍。誓將帥。然
後舉烽伐鼓。申令三驅。輕車霆激。驍騎電驚。由基發射。范氏施御。弦不睨禽。
轡不詭遇。飛者未及翔。走者未及去。指顧儵忽。獲車已實。樂不極盤。殺不盡
物。馬踠餘足。士怒未渫。先驅復路。屬車按節。於是薦三犧。效五牲。禮神祇。懷
百靈。覲明堂。臨辟雍。揚緝熙。宣皇風。登靈臺。考休徵。俯仰乎乾坤。參象乎聖
躬。目中夏而布德。瞰四裔而抗稜。西盪河源。東澹海濤。北動幽崖。南耀朱垠。
殊方別區。界絕而不鄰。自孝武之所不征。孝宣之所未臣。莫不陸轡水慄。奔

人散皇明
光緒夏而
暢之
映帶宮室
是燕饗受
貢之庭又
即就前段
引伸咏歎
極於禮備
樂和君臣
歡洽而王
化成矣
又用聖筆
更高乃全
篇轉關者
凡獻頌者
至於秦運
之隆而止
矣此更推
到敦本崇
質淳古澹
泊氣味然
後乃爲折
以制度之
極軌也尙
有眩曜之
又映帶宮
室
玄德應前
太清并頌

走而來賓。遂綏哀牢。開永昌。春王三朝。會同漢京。是日也。天子受四海之圖籍。膺萬國之貢珍。內撫諸夏。外綏百蠻。爾乃盛禮興樂。供帳置于雲龍之庭。陳百寮而贊羣后。究皇儀而展帝容。於是庭實千品。旨酒萬鍾。列金罍。班玉觴。嘉珍御。太牢饗。爾乃食舉雍徹。太師奏樂。陳金石。布絲竹。鐘鼓鏗鏘。管絃曄煜。抗五聲。極六律。歌九功。舞八佾。韶武備。泰古畢。四夷間奏。德廣所及。僭休兜離。罔不具集。萬樂備。百禮暨。皇歡浹。羣臣醉。降煙燼。調元氣。然後撞鐘告罷。百寮遂退。於是聖上覩萬方之歡娛。又沐浴於膏澤。懼其侈心之將萌。而怠於東作。乃申舊章。下明詔。令有司。班憲度。昭節儉。示太素。去後宮之麗飾。損乘輿之服御。抑工商之淫業。興農桑之盛務。遂令海內棄末而反本。背僞而歸真。女修織紵。男務耕耘。器用陶匏。服尙素玄。恥纖靡而不服。賤奇麗而弗珍。捐金於山。沈珠於淵。於是百姓滌瑕盪穢。而鏡至清。形神寂寞。耳目不營。嗜欲之源滅。廉恥之心生。莫不優游而自得。玉潤而金聲。是以四海之內。學校如林。庠序盈門。獻酬交錯。俎豆莘莘。下舞上歌。蹈德詠仁。登降飫宴之禮既畢。因相與嗟歎玄德。讜言弘說。咸含和而吐氣。頌曰。盛哉乎斯世。今